



## Sticanje austrijskog državljanstva<sup>1</sup>

Austrijsko državljanstvo se može steći na različite načine. Najčešće se stiče porijeklom ili dodjelom.

### 1. Porijeklo

Austrijsko državljanstvo **rođenjem** stiču:

- bračna djeca, ako je jedan roditelj austrijski državljanin i
- vanbračna djeca, ako je majka austrijska državljanica.
- vanbračna djeca, ako je otac austrijski državljanin, a priznao je očinstvo u roku od osam sedmica nakon rođenja djeteta odnosno ako je očinstvo u istom roku sudski utvrđeno. Po isteku tog roka se državljanstvo može steći legitimacijom nakon zaključenja braka roditelja ili dodjelom (vidi 2. stranicu).

### 2. Dodjela

#### 2.1. Opšti uslovi za dodjelu austrijskog državljanstva:

- **pozitivan stav** prema Republici Austriji i neugrožavanje javnog mira, reda i sigurnosti, nepostojanje bliske veze s terorističkim ili ekstremističkim grupama;
- **neosuđivanost** (da nema sudskih presuda, da se ne vodi krivični postupak – kako u zemlji, tako ni u inostranstvu, da nema teških upravnih prekršaja);
- da se ne vodi postupak ili da ne postoje **izvršne / važeće** mjere (zabrana boravka, odluka o vraćanju, protjerivanje itd.) za **prestanak** boravka, kao i da ne postoje druge **prepreke** (protjerivanje u zadnjih 18 mjeseci, zabrana ulaska u zemlju, itd.);
- istupanje iz dosadašnjeg **državljanstva**, osim ako to nije moguće odnosno prihvatljivo;
- dovoljna **osigurana sredstva za život** u prosjeku za 36 mjeseci u posljednjih 6 godina, od toga u svakom slučaju za zadnjih 6 mjeseci prije podnošenja zahtjeva. U tom periodu primanja moraju biti najmanje u visini referentne stope iz Zakona o opštem socijalnom osiguranju (ASVG), te se ne smije primati socijalna pomoć. Pažnja: Suma redovnih izdataka kao stanarina, kreditne rate, pljendibe, doprinosi za izdržavanje, itd. od određene visine (slobodna stanica) umanjuju primanja. (Smanjenje referentnih stopa za lica s hendikepom ili trajnim teškim oboljenjima je moguće uz prikaz izvještaja ljekara specijaliste).
- dokaz o dovoljnom poznavanju **njemačkog jezika**<sup>2</sup> prema § 7 stav 2 cifra 2 Zakona o integraciji (sticanje znanja njemačkog jezika na nivou B1 i podrobnije posredovanje osnovnih vrijednosti pravnog i društvenog poretka)
- dokaz o **poznavanju (ispit)<sup>2</sup> demokratskog uređenja Austrije i osnovnih principa koji se izvode iz istog, kao i istorije Austrije i dotične pokrajine.**
- **Određena dužina boravka** (boravak načelno mora bit bez prekida i legalan. Boravci u inostranstvu su dozvoljeni samo do 20% ukupne dužine boravka).

#### **Napomene:**

<sup>1</sup> Na osnovu skraćenog obima informativnog lista obrađuju se samo najčešće obisticanja posebne grupe lica.

<sup>2</sup> Dokaz o poznavanju njemačkog jezika se mora potvrditi svjedočanstvima priznatih jezičkih instituta. Znanje o Austriji i dotičnoj pokrajini se dokazuje pozitivnim polaganjem ispita kod organa za državljanstvo. Skripte za učenje možete naći na: <http://staatsbuergerschaft.gv.at>.

Određene osobe ne moraju podnijeti ove dokaze. Oni su ili izuzeti od ove obaveze (npr. djeca do 14 godina, određene privilegovane osobe, osobe na osnovu lošeg zdravstvenog stanja itd) ili se ta obaveza smatra ispunjenom (npr. aktuelno pohađanje javne osnovne škole, aktuelno pohađanje sekundarne škole i pozitivna ocjena iz nastavnog predmeta „Njemački“, itd.)

**2.2. Austrijsko državljanstvo može biti dodijeljeno (po procjeni organa), ako su ispunjeni opšti uslovi i ako postoji slijedeće činjenično stanje:**

**Nakon 10-godišnjeg legalnog neprekidnog boravka u Austriji (od toga najmanje pet godina nastanjenje)**

**2.3. Austrijsko državljanstvo se dodjeljuje (sa zakonskim pravom podnosioca zahtjeva), ako su ispunjeni opšti uslovi i ako postoji slijedeće činjenično stanje:**

**Bez minimalnog perioda boravka:**

- **Maloljetna djeca slobodnog bračnog stanja**, ako najmanje jedan roditelj (usvojitelj) posjeduje austrijsko državljanstvo, pa zato nije moguća dodjela državljanstva zajedno s drugim roditeljem (proširenje dodjele);
- **Maloljetna usvojena djeca** austrijskih roditelja ili **maloljetna vanbračna djeca** austrijskih očeva koji još ne posjeduju austrijsko državljanstvo. (Mnogi od navedenih uslova ne moraju biti ispunjeni!)

**Nakon 6-godišnjeg legalnog neprekidnog boravka:**

- **bračni drugovi / registrovani partneri austrijskih državljana**, koji žive u zajedničkom domaćinstvu i brak / partnerstvo postoji **najmanje 5 godina**;
- državljani **zemalja EEP-a**;
- **osobe rođene u Austriji**;
- kod poznavanja **njemačkog jezika na novou B2**;
- dokaz **održive lične integracije posebno** „najmanje trogodišnjim dobrovoljnim angažmanom u opšteinteresnoj organizaciji, najmanje trogodišnjim obavljanjem zanimanja u obrazovnoj, socijalnoj ili zdravstvenoj oblasti, ili najmanje trogodišnjim vršenjem funkcije u Savezu interesnih zajednica“;

**Nakon 10-godišnjeg legalnog neprekidnog boravka:**

- Osobe s pravom na azil

**Nakon 15-godišnjeg legalnog neprekidnog boravka:**

- kod postojanja održive lične i radne integracije

**Nakon 30-godisnjeg legalnog boravka u Austriji**

**2.4. Proširenje dodjele na članove porodice:**

Zajedničkim zahtjevom državljanstvo pod navedenim uvjetima dobijaju i **maloljetna djeca** (bez čekanja) i **bračni drugovi / registrovani partneri** nakon (6 godina boravka i 5 godina braka). Ove osobe moraju biti nastanjeni, imati pravo na azil ili biti nosioc / nositeljica legitimacijske iskaznice / karte.

**2.5. Postupak za dodjelu državljanstva**

Organ nadležan za dodjelu državljanstva je odjel za državljanstvo državnog ureda Vašeg glavnog mjesta prebivališta. Budući da je postupak posebno komplikovan i dugotrajan, prije podnošenja zahtjeva svakako se raspitajte kod nadležnog tijela / organa ispunjavate li doista navedene uvjete / uslove i koji su dokumenti potrebni za prijavu. U Beču morate općenito prisustvovati Prvom informativnom predavanju na kojem ćete biti detaljno informisani; tada možete podnijeti zahtjev. Link za zakazivanje termina za Prvo informativno predavanje je: <https://ticket.wien.gv.at/MA35/essam/>

**Pažnja:** Budući da su ovdje navedene samo najvažnije odredbe, molimo Vas da se za tačnije informacije obratite nadležnom organu ili savjetovalištim. Ukazujemo na to da se uprkos pažljivoj obradi mogu desiti greške, pa se stoga ne može preuzeti jamstvo za navode u ovom informativnom listu.

|   |  |
|---|--|
| <b>Beratung für Männer und Frauen</b><br>1010 Wien, Hoher Markt 8/4/2 Tel: 01 712 56 04   | <b>Beratung für Frauen</b><br>1010 Wien, Marc Aurel Straße 2a/2/10 Tel: 01 982 33 08   |
| <a href="http://www.migrant.at">http://www.migrant.at</a> E-Mail: <a href="mailto:migrant@migrant.at">migrant@migrant.at</a>  | <a href="http://www.migrant.at">http://www.migrant.at</a> E-Mail: <a href="mailto:migrantin@migrant.at">migrantin@migrant.at</a> |
| <p>Diese Publikation wird aus Mitteln des Arbeitsmarktservice und der Magistratsabteilung 17 gefördert.</p> <div style="display: flex; justify-content: space-around; align-items: center;"><div style="text-align: center;"><p><b>AMS</b><br/>Arbeitsmarktservice<br/>Wien</p></div><div style="text-align: center;"><p><b>Stadt<br/>Wien</b></p></div><div style="text-align: center;"><p>Integration<br/>und Diversität</p></div></div> |  |